

**Saturday, July 12, 2025**

**Time - 2:30pm - 2:35pm**

**AKASHVANI AIZAWL**

**REGIONAL NEWS UNIT**

### **HOUSEHOLD REGISTERS BILL 2019**

The Mizoram (Maintenance of Household Registers) Bill 2019 chu kum 6 hnuah President pawmpuina hmuh a nih theih nan Sawrkar laipui chuan hma a la dawn.

Chief Minister Pu Lalduhoma chuan tun hnaia New Delhi a zinna-ah Union Home Minister hmu in Pu Amit Shah hian The Mizoram (Maintenance of Household Registers) Bill 2019, President of India hnena la tang mek chu President pawmpuina hmuh a nih vat theihna tura a lo bawhzui tur thu a sawi a, heng bakah hian thil pawimawh hrang hrang Mizoram hmasawna tur an sawi bawk.

The Mizoram (Maintenance of Household Registers) Bill hi sawrkar hmasa hunlai kum 2019 March ni 18 khan khatih laia Chief Minister Pu Zoramthanga kaihhruaiin Assembly thutkhawmah pass a ni a, a hunlaia Larsap Jagdish Mukhi chuan bill chu ramdang mi chungchang kaihhnawih a nih avangin President hnenah a lo thawn tawh a ni.

Chief Minister hlui Pu Zoramthanga chuan kum 2019-a Bill a pharh na-ah The Mizoram (Maintenance of Household Registers) Bill chu state sawrkar in awlsam taka ramdang mi leh tualchung mi an hriat hran theihna tur ani a ti a, dan lova lo lut te leh state thenawm atanga dan phalloha lo lut te enfiah na tur awlsam ani tih sawiin hei hi tualchung mi tan a tangkai dawn tih a sawi bawk.

<><><>

### **ALIMCPO**

Ministry of Social & Justice Empowerment hnuai ami - Artificial Limbs Manufacturing Corporation of India (ALIMCO) chuan tunlai hian Mizoram hmun hrang hrangah Assesment Camp an nei mek.

Assesment Camp an neih mekah hian, kum 60 chin chunglam tan leh rualbanlo te tan hmanraw hrang hrang Folding wheelchair, commode leh tiang hrang hrang, kawnghren hlai, khup tuamna, Nghawng tuamna, bengdar leh wheelchair te an sem chhuak a ni.

Vawiin khan MUP Hqtrs. Lunglei Golden Jubilee chu Saikuti Hall-ah lawm niin, he hunah hian Social Welfare Deptt Lunglei nen tangkawpin kum 60 chin, a mamawh apiang te tan dilna an hawng a ni. Hmanraw semna hi Lunglei DC ruahmanna in Project Leap tih vuah a ni. Tanpuina dil tur te hi kum 60 chin an nih a ngai a, Adhar Card leh Income Certificate thil tel tur niin thla khatah Rs 15,000 aia tam lo lalut an nih a ngai bawk.

ALIMCO te hian Zoram Medical College & Hospital, Falkawn-ah Office neiin kum 2023 July atangin bungrua hi an sem tan a, 1300 vel sem tawh a ni. Assesment hi

Khawzawlah neih tawh niin kumin April thlaah khan Lungleiah neih tawh a niin, a vaiin hamthatna dawngtu mi 742 an awm a ni.

Hma lakna neih tawh chinah kum 60 chin mi 687 leh Rualbanlo UDID card nei mi 54 an ni. June leh July khan Aizawl South 2 leh 3-ah assesment hi neih tawh niin, Lungleiah hian assesment tih nawn leh a ni a. Tunah hian Social Welfare deptt chuan an buaipui a ni.

<><><>

**END**

Excise and Narcotics Department chuan kum chanve chhungin ruihhlo thahnem tak an man a, hemi kaihnawihah hian mi 3906 man niin lirthei 91 an man tel bawk.

Excise and Narcotics Department thuchhuah tarlan danin kumin kum tir atangin heroin kg 34 chuang man tawh a ni a, ganja kg 156 chuang man niin opium gram 945 man a ni a, damdawi hrang hrang tam tham tak man niin rakzu litre sing 3 sang 9 dawn man a ni a, zu bilh lai tin tham tham tak man niin dawidim kg 75 bakah sap zu tam tham tak leh soju leh BEDC pawh man tel a ni.

**VC**

*(Excise and Narcotics Department hian ruihhlo leh a kaihnawih NDPS Act 1985 hmangin nasa takin ruihhlo a tlem theih nan hma an la a, dan bawhchhiate dap chhuah bakah ruihhlo do kawngah tlawmngai pawl hrang hrang nen thawkho in ruihhlo a rem theih nan theihtawp an chhuah mek zel a ni.)*

<><><>